



**Vakcinisanje protiv korone:  
Zaštitite svoje dijete**  
Vakcina djeluje!



# Pandemija korone opterećuje Vaše dijete!

Korona je značajno promijenila životnu svakodnevicu djece i mladih:

Zatvaranja obdaništa i škola, online nastava i ograničavanje kontakata opterećuju porodice. Roditelji i skrbnici su zabrinuti i nesigurni. Ovdje Vas informištemo kako ćete da zaštitite svoje dijete.

Studije potvrđuju:

- **Psihičke tegobe, upadljivo ponašanje, stres i strahovi** veoma su se povećali tokom pandemije kod djece.
- Ako dođe do prekida uobičajnih struktura u svakodnevici i socijalnih kontakata, to kod djece može da **negativno utječe na kognitivni, emocionalni i socijalni razvoj.**

## Važno je znati:

U Austriji živi **600.000 djece** u dobi između 5 i 11 godina. U periodu od jula do novembra 2021. **11,5 posto** svih SARS-CoV-2 infekcija koje su potvrđene u Austriji bilo je u ovoj starosnoj grupi. Gotovo **polovina (44,5 posto) oboljela je od COVID-19.**

# Zašto je važno vakcinisati dijete!

Djeca se također mogu da zaraze koronavirusom, obole i zaraze druge. Vakcinisanje protiv korone štiti Vaše dijete.

- U poređenju sa drugim bolestima protiv kojih se svako dijete naravno vakciniše, **COVID-19 trenutno se jasno češće pojavljuje**. I djeca obolijevaju od COVID-19.
- **Djeca sa ranijim oboljenjima** imaju veći rizik za teški oblik bolesti.
- U veoma rijetkim slučajevima se kao posljedica infekcije SARS-CoV-2 kod djece pojavljuje novi „**Pedijatrijski inflamatorni multisistemski sindrom (PIMS)**“. Ovo oboljenje je teško, ali se u pravilu može dobro liječiti.
- Vakcinisanje se za **djecu stariju od 5 godina generalno preporučuje**. Za djecu od 5 do 11 godina postoje vakcine za djecu.

## Važno je znati:

Roditelji odlučuju da li će i koje vakcine njihovo dijete da primi. Pedijatri su na raspolaganju za savjetovanje. Dajte i svom djetetu mogućnost da u terminu vakcinisanja samostalno postavlja pitanja.

# Sigurnost Vašeg djeteta je na prvom mjestu!

Strogo kontrolisane studije su potvrdile efektivnost i sigurnost vakcinisanje protiv korone za djecu. Za djecu stariju od 5 godina preporučuju se 2 doze sa vakcinom Comirnaty od BioNTech/Pfizer u razmaku od 3 sedmice. Vakcina štiti od:

- **Oboljenja od COVID-19.**
- **Kasnih posljedica** (npr. umor, glavobolja, smetnje sna, slabosti koncentracije), koje se mogu pojaviti i nakon blagih ili asimptomatskih oblika bolesti.
- **Zaražavanja članova porodice** (npr. mlađa braća i sestre, koji se još ne mogu vakcinisati ili imaju visok rizik za teški oblik bolesti).

## Važno je znati:

Vakcinisanje protiv korone dobro se podnosi, veoma je efikasno i štiti dijete od COVID-19 oboljenja i mogućih kasnih posljedica. Za prvu zaštitu se za djecu preporučuju dvije doze. Djeca od 5 do 11 godina dobivaju manju količinu vakcine nego djeca starija od 12 godina.

# Šta roditelji trebaju još da znaju o vakcinisanju!

Vakcinisanje je uspješna priča. Ono štiti nas i one koje volimo. Detaljno se i lično informišite kod Vašeg pedijatra. Evo nekoliko važnih činjenica:

- Vakcinisanje može da **uspješno potisne teške dječije bolesti** (kao npr. boginje).
- Vakcinisanje **štiti djecu od teških oblika bolesti** i **jačaju njihov imunološki sistem** od malena.
- Veoma je važno da se poštuje **besplatni program vakcinisanja djece** i tokom pandemije kao i **termini za vakcinisanje**, kako bi dijete bilo što je moguće ranije i opsežno zaštićeno protiv oboljenja.

## Važno je znati:

Objasnite svom djetetu vakcinisanje. Dajemo Vam podršku u tome. Klarinu priču o vakcinisanju protiv korone pogledajte ovdje:



## Vakcinišite se sada!

**Detaljno se informišite o  
vakcinisanju kod doktora odnosno u apoteci.**

**Prijava na:**

**[oesterreich-impft.at/jetzt-impfen](https://oesterreich-impft.at/jetzt-impfen)**



**Ostale informacije na  
[sozialministerium.at/corona-schutzimpfung](https://sozialministerium.at/corona-schutzimpfung)**



### **Impressum**

Vlasnik medija i izdavač:

Savezno ministarstvo za socijalna pitanja, zdravlje,  
njegu i zaštitu potrošača (BMSGPK)

Stubenring 1, 1010 Beč

+43 1 711 00-0

Mjesto izdavanja i proizvodnje: Beč

Slika na naslovnici: © Inicijativa Austrija vakciniše.

Izgled i štampa: BMSGPK

Stanje: Novembar 2021.

Zadržano pravo na moguće pogrešne navode, štamparske i  
tipografske greške.

Sva prava zadržana.